

Азаматтық және қылмыстық істер бойынша өзара құқықтық көмек туралы Қазақстан Республикасы мен Грузия арасындағы шартты және осы Шартқа Хаттаманы ратификациялау туралы

Қазақстан Республикасының 2006 жылғы 14 қаңтардағы N 119 Заңы

Тбилисиде 1996 жылғы 17 қыркүйекте қол қойылған Азаматтық және қылмыстық істер бойынша өзара құқықтық көмек туралы Қазақстан Республикасы мен Грузия арасындағы шарт және Астанада 2005 жылғы 31 наурызда қол қойылған осы Шартқа Хаттама ратификациялансын.

Қ а з а қ с т а н Р е с п у б л и к а с ы н ы ң

Президенті

Азаматтық және қылмыстық істер бойынша өзара құқықтық көмек туралы Қазақстан Республикасы мен Грузия арасындағы ШАРТ

Тәуелсіздік пен өзара сыйластық негізінде құқықтық қатынастар жағынан ынтымақтастықты жүзеге асыру мақсаттарында, бұдан әрі "Уағдаласушы Тараптар" деп аталатын, Қазақстан Республикасы мен Грузия азаматтық және қылмыстық істер бойынша бір-біріне құқықтық көмек көрсетіп отыруды ұйғарады және осы мақсаттармен төмендегілер жөнінде келісті:

І - Т А Р А У

ЖАЛПЫ ЕРЕЖЕЛЕР

1 - б а п

Құқықтық қорғау

1. Уағдаласушы бір Тараптың азаматтары Уағдаласушы екінші Тараптың аумағында өздерінің жеке басы мен мүліктік құқықтарын Уағдаласушы басқа Тараптың азаматтары пайдаланатын сияқты құқықтық түрде қорғаумен пайдаланады. Олар соттарға, әділет органдарына, прокуратураларға және құзыретіне азаматтық пен қылмыстық істер жататын басқа да мекемелерге кіруге құқықты және Уағдаласушы басқа Тараптың азаматтары сияқты жағдайларда тілек білдіруге және басқа іс жүргізу әрекеттерін жасай алады.

2. 1-тармақтың ережелері заңды тұлғаларға да, және соларға теңестірілген, Уағдаласушы Тараптың әрқайсысының аумағында олардың ұлттық заңдарына сәйкес құрылған мекемелерге де қолданылады.

3. Осы Шартта қолданылып отырған "азаматтық істер" деген терминге некелік-отбасылық, еңбек, мұрагерлік, шаруашылық істер енеді.

2 - б а п

Құқықтық көмек

Уағдаласушы Тараптардың осы Шарттың 1-бабының бірінші тармағында көрсетілген органдары мен мекемелері өз елінің заңдары белгілеген өз құзыретіне сәйкес азаматтық және қылмыстық істер бойынша бір-біріне құқықтық көмек көрсетеді .

3 - б а п

Құқықтық көмектің көлемі

Уағдаласушы Тараптар өз заңдарының талаптарын сақтай отырып, бір-біріне мынадай жолдармен құқықтық көмек көрсетеді:

- іс жүргізу әрекеттерін орындау;
- құжаттарды жіберіп отыру және тапсыру;
- айғақтық заттарды беріп жіберу;
- істің материалдарын жіберу;
- сот шешімдерін мойындау және орындау;
- талап қоюды қамтамасыз ету;

- сұратып отырған Уағдаласушы Тараптарға сотталмағандығы туралы мәлімет беру;

- адамды іздеу ;

- оперативті-іздеу шараларын жүргізу;

- қылмыстық жауапқа тарту үшін немесе үкімді орындау үшін, қылмыс жасаған адамдарды ұстап беру.

4 - б а п

Құқықтық көмек көрсету кезіндегі байланысу тәртібі

1. Азаматтық және қылмыстық істер бойынша құқықтық көмек көрсету туралы өтініш жасаған кезде Уағдаласушы Тараптардың соттары және басқа құзыретті мекемелері, егер осы Шартта басқа белгіленбеген болса, бір-бірімен өздерінің орталық мекемелері арқылы байланысады .

2. Осы баптың 1-тармағында аталған орталық мекемелерге мыналар жатады:

Қазақстан Республикасы жағынан - Қазақстан Республикасының Әділет министрлігі мен Қазақстан Республикасының Бас Прокуратурасы;

Грузия жағынан - Грузия Әділет министрлігі мен Грузияның Прокуратурасы.

5 - б а п

Тілі

1. Уағдаласушы Тараптардың мекемелері осы Шартта қозғалған барлық мәселелер бойынша өзара байланысқанда екі Уағдаласушы Тараптардың мемлекеттік тілдерін пайдаланады .

2. Жұмыс тілі ретінде орыс тілінің пайдаланылуы мүмкін.

6 - б а п

Құжаттарды рәсімдеу

1. Уағдаласушы Тараптардың құзыретті органдары мемлекеттік, орыс тіліне аударылған және құзыретті адамның қолы қойылған және мөрмен куәландырылған б о л у ы к е р е к .

2. Уағдаласушы тараптар өзара келісім бойынша құқықтық көмек көрсету туралы өтініш жасаған кезде пайдаланылатын формулярлар үлгісін белгілей алады.

7 - б а п

Құқықтық көмек көрсету жөніндегі өтініштің (тапсырманың) түрі

Құқықтық көмек көрсету жөніндегі өтініш (тапсырма) жазбаша түрде дайындалуы тиіс және тапсырманың мазмұнына қарай мынадай реквизиттер болу керек:

а) сауал қоюшы мекеменің аты;

б) сауал қойылған мекеменің аты;

в) құқықтық көмек сұралған істің аты мен өтініштің (тапсырманың) мазмұны;

г) іске қатысы бар адамдардың аты мен фамилиясы, олардың азаматтығы, жынысы, жұмысы, тұрған жері мен келген жері, туған жылы мен айы; заңды тұлғаның аты мен т ұ р ғ а н ж е р і ;

д) осы баптың "г" тармағында аталған адамдар өкілдерінің аты, фамилиясы мен м е к е н - ж а й ы ;

е) тапсырылатын құжаттың аты;

ж) анықтауға жататын жағдайларды, сондай-ақ талап етілетін құжаттардың тізімі мен басқа да айғақтарды баяндау; қылмыстық істер бойынша жасалған қылмыстың нақты жағдайларының баяндамасы, оның заңдық жазалану жолдары, мүмкіндігінше адамның сыртқы бет-әлпетін, оның суретін, саусақтарының іздерін (таңбаларын) суреттеп жазу.

8 - б а п

Тапсырманы орындау

1. Егер тапсырманы орындау сауал қойылған Уағдаласушы Тараптың ұлттық заңдарына сәйкес осы Тарап соттарының және басқа құзыретті мекемелерінің құзырына жатпайтын болса, тапсырманы орындаудан бас тартудың себептері көрсетіліп, кейін қайтарылады.

2. Егер Уағдаласушы Тараптың сауал қойылған мекемесі тапсырманы орындауға құқылы болмаса, онда ол аталған тапсырманы орындауға сауал қойылған Уағдаласушы Тараптың құзыретті органдарына жіберуге және бұл туралы сауал қоюшы Уағдаласушы Тараптың мекемесіне хабарлауға міндетті.

3. Егер Уағдаласушы Тараптың сауал қойылған мекемесі тапсырмада көрсетілген мекен-жайдың дәл көрсетілмеуіне байланысты тапсырманы орындау мүмкіндігі жоқ болса, ол мекен-жайды анықтау үшін тиісті шаралар қолдануға немесе Уағдаласушы

Тараптың сауал қоюшы мекемесінен қосымша мәлімет беруін талап етуге міндетті.

4. Егер мекен-жайды анықтау немесе тапсырманы орындау басқа себептер бойынша мүмкін болмаса, Уағдаласушы Тараптың сауал қойылған мекемесі Шарт Уағдаласушы Тараптың сауал қоюшы мекемесіне ол жайлы хабарлауға және тапсырманы орындауға кедергі болған себептерді баяндауға, сондай-ақ Уағдаласушы Тараптың сауал қоюшы мекемесі жіберген барлық құжаттарды қайтаруға міндетті.

9 - б а п

Орындалудың нәтижелері туралы хабарлау

1. Сауал қойылған мекеме осы Шарттың 4-бабында көзделген тәртіпте сауал қоюшы мекемеге тапсырманың орындалуы нәтижелері туралы жазбаша түрде хабарлауға, сондай-ақ тапсырманың орындалу уақыты мен орны көрсетілген, орындалғанын растайтын құжат жіберуге міндетті.

2. Құжаттарды тапсыру туралы тапсырманың орындалғандығын растайтын құжатта оның қабылданып алынған күні, қабылдап алушының қолы мен тапсырманы орындаған адамның қолы қойылуы керек. Егер қабылдап алушы қабылдап алудан бас тартса, қабылдап алудан бас тартудың себептері де көрсетілуі қажет.

Тапсырманың орындалғанын растайтын құжат тапсырманы орындаған сауал қойылған мекеменің ресми мөрімен куәландырылуы тиіс.

1 0 - б а п

Құжаттарды дипломатиялық өкілдіктер немесе консулдық мекемелер арқылы тапсыру

Құзыретті органдардың тапсырмасы бойынша Уағдаласушы Тараптардың бірінің екінші Уағдаласушы Тарапта уәкіл етіп тағайындалған дипломатиялық өкілдіктері немесе консулдық мекемелері өз азаматтарына сот құжаттарын және сотқа қатысы жоқ құжаттарды тапсыруға құқылы. Бірақ бұл әрекеттер еріксіз түрдегі шаралар болмауы керек және өздері келген елдің ұлттық заңына қайшы келмеуі керек.

1 1 - б а п

Құжаттардың тапсырылғандығын растау

Құжаттардың тапсырылғандығы құжат тапсырылған адамның қолымен, құжатты тапсырып отырған сауал қойылған мекеменің ресми мөрімен куәландырылған, немесе осы мекеме берген тапсырылған тәсілі, орны мен уақыты көрсетілген басқа құжатпен расталынады.

1 2 - б а п

Куәні, жәбірленушіні және сарапшыны шет елге шақыру

Егер бір Уағдаласушы бір Тараптың аумағында алдын ала тергеу немесе соттық қарау кезінде екінші Уағдаласушы Тараптың аумағында тұратын куәнің, жәбірленушінің немесе сарапшының өзі қатысуы қажет болса, онда шақыру қағазын тапсыруға сол Уағдаласушы Тараптың тиісті мекемесіне бару керек.

1 3 - б а п

Куәларға, жәбірленушілер мен сарапшыларға байланысты кепілдіктер

1. Сауал қоюшы Уағдаласушы Тарап сотының немесе басқа құзыретті мекемелерінің сауал қойылған Уағдаласушы Тарап беріп жіберілген шақыруы бойынша келген куә, жәбірленуші немесе сарапшы, олардың қай Жақтың азаматы екендігіне қарамастан сауал қоюшы мемлекетте әкімшілік немесе қылмыстық жауапқа тартылмайды, немесе мемлекеттік шекарадан өткенге дейін қандай түрде болмасын жасаған құқық бұзушылығы үшін бас бостандығынан айырылмайды.

2. Құқықтық көмек көрсету туралы өтініш негізінде сауал қоюшы Уағдаласушы Тараптың мекемесіне куә, жәбірленуші немесе сарапшы ретінде шақырылған адам егер бас тарту құқығы немесе міндеті сауал қойылған немесе сауал қоюшы Уағдаласушы Тараптардың заңдарында көзделген болса, жауап беруден немесе басқа функцияларды орындаудан бас тартуға құқылы. Қажет болған жағдайда сауал қоюшы Уағдаласушы Тараптың мекемесі жоғарыда көрсетілген құқықтар мен міндеттерге қатысты заң туралы анықтаманы өтінішке қоса беруге тиісті.

3. Егер куә, жәбірленуші немесе сарапшы оның мұнда болуының қажеттігі жоқ деген ескерту алғаннан соң 15 күн ішінде, сауал қоюшы Уағдаласушы Тараптың аумағынан дер кезінде кете алмау жайы оған байланысты болмаған жағдайлардан басқа, сауал қоюшы Уағдаласушы Тараптың аумағынан кетпей қалса, осы баптың 1-тармағында берілген кепілдіктерден айырылады.

4. Осы баптың 1-тармағында көрсетілген шақыру осы Келісімнің 4-бабында көзделген тәртіпте беріледі. Шақыруда еріксіз шаралар қолданылу туралы ескерту жазылмауы тиіс.

1 4 - б а п

Құқықтық көмек көрсетуге кеткен шығындар

1. Уағдаласушы Тараптар құқықтық көмекті тегін көрсетеді.

2. Сауал қоюшы Уағдаласушы Тараптың шақыруымен келген куәнің, жәбірленушінің немесе сарапшының жолының, тамақтану және жүріп-тұру шығынын сауал қоюшы Уағдаласушы Тарап көтереді. Шақыру қағазында келген адамдардың қандай төлем алатындықтары көрсетілуі тиіс. Аталған адамдардың өтініші бойынша сауал қоюшы Уағдаласушы Тараптың құзыретті мекемесі оларға күні бұрын тиісті шығындарын төлеуге міндетті.

1 5 - б а п

Құқықтық көмектен бас тарту

Егер сауал қойылған Уағдаласушы Тарап құқықтық көмек беру өздерінің тәуелсіздігіне, қауіпсіздігіне, қоғамдық тәртібіне немесе өз Жағының ұлттық заңына қарама-қайшы келеді деп есептесе, бас тартудың дәлелді себептерін сауал қоюшы Уағдаласушы Тарапқа хабарлап, құқықтық көмек беруден бас тартады.

1 6 - б а п

Құқықтық көмек көрсету кезінде қолданылатын заңдар

Құқықтық көмек көрсету кезінде сауал қоюшы мекеме өз мемлекетінің заңдарын қ о л д а н а д ы .

Сауал қойылған мекеме сауал қоюшы мекеменің өтініші бойынша орындаудың әдісі мен түрлері сауал қойылған Уағдаласушы Тараптың заңдарына қайшы келмейтін болса, сауал қоюшы Уағдаласушы Тараптың іс жүргізу нормаларын қолданады.

1 7 - б а п

Заң хабарламасының көлемі

Уағдаласушы Тараптар өтініш бойынша қолданылып жүрген және қолданылған заңдар мен олардың қолданылу практикасы туралы бір-біріне хабарлама беріп отырады .

І І - Т А Р А У

АЗАМАТТЫҚ ІСТЕР БОЙЫНША ҚҰҚЫҚТЫҚ КӨМЕК

1 8 - б а п

Құқықтық көмектің көлемі

Уағдаласушы Тараптар өзара келісім негізінде өтініш бойынша сот құжаттарын және сотқа қатысы жоқ құжаттарды тапсырады, талапты қамтамасыз ету бойынша шаралар қолданады, процеске қатысушылардан, куәлар мен сарапшылардан жауап алады, сарапшылық жасайды, оқиға болған жерді қарайды, сот шешімдерін мойындайды және орындайды, оның ішінде алимент өндіріп алу үшін, сондай-ақ басқа да іс жүргізу әрекеттерін орындау үшін борышқорды іздеу шараларын қолданады.

1 9 - б а п

Соттар құзыреті

1. Мұрагерлік даулардан басқа, азаматтық істер бойынша дауларды жауапкердің тұратын жеріндегі немесе тұрған орнындағы, олардың қай жақтың азаматы екендігіне қарамастан, Уағдаласушы Тараптардың соттары қарайды, ал заңды тұлғаларға талаптар , аумағында заңды тұлғаның басқару органы, оның өкілдігі немесе филиалы тұрған Уағдаласушы Тараптың сотына қойылады.

2. Уағдаласушы Тараптардың соттары, егер дауды осы соттарға беру туралы Тараптардың жазбаша келісімдері болса, ерекше құзыретті жағдайлардан басқа да жағдайларда істерді қарай алады.

2 0 - б а п

Сот шығындарын төлеу

1. Уағдаласушы Тараптың азаматы Уағдаласушы басқа Тараптың аумағында сот шығындарын сол елдің азаматтарымен тең жағдайларда және бірдей мөлшерде төлейді.

2. Осы баптың 1-тармағындағы ережелер Уағдаласушы Тараптың біреуінің аумағында солардың ұлттық заңына сәйкес құрылған заңды тұлғаларға да қолданылады.

2 1 - б а п

Сот шығындарын төлеуден толық немесе жартылай босату

1. Уағдаласушы Тараптың біреуінің азаматы Уағдаласушы екінші Тараптың аумағында сот шығындарын төлеуден толық немесе Уағдаласушы сол Тараптың азаматтарымен тең жағдайларда және бірдей мөлшерде босатылады.

2. Уағдаласушы бір Тараптың азаматтары сот шығындарын төлеуден толық немесе жартылай босату туралы өтініш жасағанда тұрған жерінің немесе келген жерінің құзыретті мекемесі берген, өзі туралы отбасылық және мүліктік жағдайларын куәландырған құжаттарын өткізуі тиіс. Егер өтініш жасаушының Уағдаласушы Тараптың аумағында тұратын жері немесе келген жері болмаса, ол өз мемлекетінің дипломатиялық өкілдіктері немесе консулдық мекемесі берген немесе куәландырған құжаттарын береді.

3. Сот шығындарын төлеуден түгелдей немесе жартылай босату туралы шешім шығарған сот құжатты берген органға қосымша түсінік беру туралы қояды.

2 2 - б а п

Мойындауға және орындалуға жататын шешімдер

1. Уағдаласушы бір Тараптың заңды күшіне енген, мәні жөнінен орындауды талап етпейтін сот шешімдері, сондай-ақ қорғаншылық пен қамқоршылық органдарының, нотариат пен азаматтық хал актілерін тіркеудің шешімдері Уағдаласушы екінші Тараптың аумағында мойындалады, ал мүлік жөніндегі істер бойынша осы Шартта белгіленген жағдайларда мойындалады және орындалады.

2. Осы Шарт мәтініндегі қолданылатын "сот шешімдері" деген термин мына мағыналарды білдіреді:

Қазақстан Республикасында - соттың (судьяның) шешімі, анықтамасы, қаулысы, азаматтық және шаруашылық істер бойынша әлемдік келісім, сондай-ақ қылмыстық іс бойынша залалды өтеуге қатысты үкім;

Грузияда - азаматтық істер жөніндегі (соның ішінде шаруашылық ісі) шешімдер, соттарда жасалған әлемдік келісімдер; қылмыстық жолмен келген зиянды төлеуге қатысты үкімдер; әкелік пен алименттік міндеттерді мойындату туралы құжаттар; орындау қағазы бар құжаттар; сот шешімдерін төлеу туралы шешімдер.

2 3 - б а п

Сот шешімін мойындау және орындау туралы құзаухат

1. Сот шешімін мойындау және орындау туралы құзаухатты өтініш иесі осы шешімді шығарған сотқа береді және ол өтінішті сот осы Шарттың 4-бабында көзделген тәртіпте Уағдаласушы екінші Тараптың сотына жібереді. Өтініш иесі құзаухатын Уағдаласушы екінші Тараптың сотына тікелей де бере алады.

2. Сот шешімін мойындау және орындау туралы құзаухатқа қоса мынадай құжаттар
б о л у ы к е р е к :

а) сот куәландырған сот шешімінің көшірмесі; егер көшірмеде шешім күшіне енгендігі және орындалуға болатындығы туралы көрсетілмеген болса, бұл туралы да сот шешімінің заңды күшіне енгендігі туралы сот құжатының бір данасы қоса тіркеледі ;

б) Шешімнің Сауал қоюшы Уағдаласушы Тараптың аумағында орындалған бөлімі
т у р а л ы с о т құ ж а т ы ;

в) процеске қатыспаған Тарапқа заңда белгіленген тәртіпті сотқа шақыру туралы хабардың тапсырылғандығын растайтын құжат, ал ол Тараптың әрекет қабылетсіздігі жағдайында - оның тиісті өкілі болу керектігі туралы;

г) осы бапта аталған құзаухаттың куәландырылған аудармасы және оған қоса берілген құжаттар.

2 4 - б а п

Сот шешімдерін мойындау және орындау тәртібі

1. Сот шешімін мойындау мен орындау тәртібі құзаухат жіберген Уағдаласушы Тараптың соты Уағдаласушы осы Тараптың ұлттық заңы белгілеген тәртіпке сәйкес
ж ү з е г е а с ы р а д ы .

2. Құзаухат жіберілген сот шешімнің мәнін талқыламайды, оны тек осы Шарттың талаптарына сәйкестігін қарайды.

3. Құзаухат алған сот мойындау мен орындау туралы құзаухат келіп түскен шешім бойынша қажет болған жағдайда, шешімді шығарған соттан қосымша материалдар беруін талап етеді.

2 5 - б а п

Мойындаудың және орындаудың заңды күші

Уағдаласушы бір Тарап сотының шешімдерін Уағдаласушы екінші Тарап сотының мойындауы мен орындауы Уағдаласушы осы Тарап сот шешімдерімен күші тең.

2 6 - б а п

Шешімдерді мойындаудан және орындаудан бас тарту

1. Сот шешімін, төрелік шешімдерден басқа мойындаудан және орындаудан мұндай жағдайларының бірінде бас тартылуы мүмкін:

1.1. егер шешім шығарылған Уағдаласушы Тараптың ұлттық заңына сәйкес заңды күшіне енбеген болса және орындауға жатпайтын болса;

1.2. егер шешімді мойындау және орындау туралы өтініш жіберілген Уағдаласушы Тараптың ұлттық заңына сәйкес іс тек қана сауал қойылған Уағдаласушы Тарап сотының құзыретіне жататын болса;

1.3. егер мекемесі шешім қабылдаған Уағдаласушы Тараптың ұлттық заңына сәйкес процеске қатыспаған Тарапқа сотқа шақыру туралы хабар қағаз тапсырылмаған болса немесе оның әрекет қабылетсіздігі, тиісті өкілі болмаған жағдайда;

1.4. егер екі жақтың арасындағы бір мәселе бойынша сауал қойылған Уағдаласушы Тараптың соты заңды күшіне енген шешім шығарылған болса немесе ол (шешім) онда қаралып жатқан болса, немесе осы іс бойынша үшінші мемлекеттің шешімі заңды күшіне енген деп танылса.

2. Төрелік шешімді мойындаудан мынадай жағдайларда бас тартылады, егер:

2.1. шешім орындалуға тиісті Уағдаласушы Тараптың заңы бойынша мұндай іс төрелік тексеруге жатпайтын болса;

2.2. төрелік шешім Шартта көзделмеген немесе төрелік келісімнің немесе төрелік түсініктің Шартына үйлеспейтін дау бойынша шығарылған болса;

2.3. төрелік соттың құрамы екі жақтың келісіміне немесе Шарттағы түсінікке сәйкес келмесе немесе төрелік болған жердегі мемлекеттің заңына сәйкес келмейтін болса;

2.4. екі жақ төрешінің немесе төрелік тексерудің белгіленгендігі туралы тиісінше хабарланған болса.

І І І - Т А Р А У

ҚЫЛМЫСТЫҚ ІСТЕР БОЙЫНША ҚҰҚЫҚТЫҚ КӨМЕК

2 7 - б а п

Құқықтық көмектің көлемі

Осы Шарттың ережелеріне сәйкес Уағдаласушы Тараптардың бір-біріне көрсететін құқықтық көмегіне мыналар енеді:

- адамдарды іздеу және ұқсастыру;

- қылмыстық аңдуды қозғау;

- күдіктілерден, айыпкерлерден, сотталушылардан, куәлардан, жәбірленушілерден, сарапшылардан жауап алу;

- қарау, тінту және дәлелдер жинауға байланысты басқа іс жүргізу әрекеттері;

- айғақтық заттарды, қылмыстық жолмен табылған құжаттарды, бағалы заттарды беру;

- қылмыстық іс бойынша өндіріске байланысты іс жүргізу құжаттарын тапсыру, сондай-ақ сот процесінің нәтижелері туралы хабарлама беру.

2 8 - б а п

Қылмыстық істер бойынша құқықтық көмек көрсету кезіндегі байланысу тәртібі

Қылмыстық істер бойынша құқықтық көмек көрсету кезінде Уағдаласушы Тараптардың құзыретті органдары осы Шарттың 4-бабында аталған мекемелер, сондай-ақ Қазақстан Республикасының Ішкі істер министрлігі Қазақстан Республикасының Мемлекеттік тергеу комитеті және Грузияның Ішкі істер министрлігі арқылы байланысады.

2 9 - б а п

Қылмыстық аңдуды қозғаудың міндеттері

1. Уағдаласушы әр Тарап Уағдаласушы бір Тараптың өтініші бойынша Уағдаласушы екінші Тараптың аумағында қылмыс жасады деп күмән тудырған өз азаматтарына қарсы өз заңына сәйкес қылмыстық анду ісін қозғайды.

2. Уағдаласушы бір Тараптың заңына сәйкес оның құзыретті мекемелеріне жәбірленушінің қылмыстық анду туралы тиісті мерзімде берген өтініш Уағдаласушы екінші Тараптың аумағында да қолданылады.

3 0 - б а п

Қылмыстық істер бойынша көмек көрсету кезінде істің қай тергеу орнында жүргізілетіндігін анықтау

Уағдаласушы Тараптардың аумақтарында адам (адамдар) бірнеше қылмыс жасаған жағдайда оны алдын ала тексеру қылмыстың ауыр түрі немесе көпшілігі жасалған жақтың тексеру органы аяқтайды.

Адам (адамдар) өзі азаматы болып табылатын Уағдаласушы Тараптың аумағында бір рет болса да қылмыс жасаған жағдайда және соның аумағында ұсталған жағдайда істің аяқталуын Уағдаласушы Тараптың құзыретті мекемесі қарайды.

Басқа жағдайларда істің қай тергеу орнында жүргізілетіндігін Уағдаласушы Тараптардың заңдарға сәйкес анықтайды.

3 1 - б а п

Сауал қойылған жақтың аумағында қамауда отырған адамды куә немесе жәбірленуші ретінде іске қатысу үшін ұстап беру

1. Сауал қойылған Уағдаласушы Тараптың аумағында қамауда отырған, сауал қоюға Уағдаласушы Тараптың сотына немесе басқа құзыретті мекемесіне куә немесе жәбірленуші ретінде шығарылған адам бұл жаққа мұндай шарттарды сақтаған жағдайда уақытша беріледі:

а) мұндай ұстап беруі сәйкес шақыру қағазы бар адам;

б) сауал қоюшы Уағдаласушы Тарап оның аумағында бұл адамның бұдан әрі болу негізі жойылысымен, сауал қойылған Тарап белгіленген мерзімінен кешіктірмей, оны шұғыл түрде кері қайтаруы тиіс. Бұл мерзімді сауал қойылған Уағдаласушы Тарап дәлелді себептері болған жағдайда ұзартады;

в) ұстап берілген адам сауал қоюшы Уағдаласушы Тараптың аумағында қашып кетуді болдырмайтын жағдайларда ұсталуы керек.

2. Ұстап берілгендігі үшін адамның сауал қоюшы Уағдаласушы Тараптың аумағында қамауда отыру мерзімі ұзартылмайды.

3 2 - б а п

Құжаттарды тапсыру және кейбір іс жүргізу әрекеттерін орындау

1. Құжаттарды тапсыру мен қылмыстық істер бойынша дәлелдер жинауға байланысты кейбір іс жүргізу әрекеттерін орындау осы Шарттың 6-10-баптарымен

б е л г і л е н е д і .

2. Жоғарыда көрсетілген тапсырмаларды жіберген кезде қылмыстың жасалу жағдайы, оның анықталынуы және тиісті заң актілерінің ережелері көрсетілуі керек.

3 3 - б а п

Ақша және қылмыстық жолмен табылған материалдық бағалы заттарды беру

1. Уағдаласушы Тарап екінші Уағдаласушы Тараптың талабы негізінде осы Уағдаласушы Тарапқа басқа Уағдаласушы Тараптың аумағында қылмыстық жолмен табылған ақша мен басқа да бағалы заттарды беруге тиіс, бірақ бұл Уағдаласушы Тараптың немесе үшінші бір тұлғаның бұл бағалы заттарға құқығына қысым ж а с а л м а у ы т и і с .

2. Егер жоғарыда көрсетілген ақша мен басқа да бағалы заттар сауал қойылған Уағдаласушы Тараптың аумағында басқа да ашылмаған қылмыстық істер бойынша сот ісін қарауды өткізу үшін қажет болатын болса, осы Уағдаласушы Тарап оларды беруді уақытша тоқтата тұрады.

3 4 - б а п

Қылмыстық істер бойынша құқықтық көмек көрсетуден бас тарту

Егер істелуге тиісті шарада көрсетілген әрекет сауал қойылған Уағдаласушы Тараптың ұлттық заңы бойынша қылмыс деп есептелмейтін болса, сауал қойылған Уағдаласушы Тарап, осы Шарттың 14-бабында көзделген негіздерден басқа жағдайларда, қылмыстық істер бойынша құқықтық көмек көрсетуден бас тартады.

3 5 - б а п

Қылмыстық істер бойынша іс қозғалғандығы және сот ісін қараудың нәтижелері туралы хабарлау

Уағдаласушы Тараптар екінші Уағдаласушы Тараптың азаматына қатысты қылмыстық іс қозғалғандығы туралы және қажет болған жағдайда екінші Уағдаласушы Тараптың азаматына қатысты олардың соттары шығарған үкім туралы бір-біріне мәлімет беріп отыруға міндетті.

3 6 - б а п

Бұрынырақта жасалған қылмыстар туралы хабарлама

Уағдаласушы Тараптар бұрын екінші Уағдаласушы Тараптың соты соттаған адамға қатысты қылмыстық істерді қарау үшін оның сотталғандығы туралы өздеріне қажетті мәліметтерді өтініш бойынша бір-біріне тегін береді.

3 7 - б а п

Қылмыстық істер бойынша құқықтық көмек көрсету кезінде Уағдаласушы Тарап өкілдерінің қатысуы

Уағдаласушы Тараптардың бірінің өкілдері бір Уағдаласушы Тарап қылмыстық істер бойынша құқықтық көмек көрсету туралы құзаухатты орындаған кезде екінші Уағдаласушы Тараптың келісімімен қатыса алады.

I V - Т А Р А У

БАСҚА ЕРЕЖЕЛЕР

3 8 - б а п

Құжаттардың жарамдылығы

1. Бір Уағдаласушы бір Тараптың соты немесе басқа да құзыретті мекемесі құрастырған немесе куәландырған құжаттары осы Уағдаласушы осы Тараптың тиісті құзыретті мекемесінің ресми мөрі болғанда жарамды болады. Екінші Уағдаласушы Тараптың соты не басқа құзыретті мекемелері оларды осындай түрде ресмилендірусіз қ а б ы л д а й а л а д ы .

2. Бір Уағдаласушы Тараптың аумағында ресми құжат деп қаралатын құжаттар, екінші Уағдаласушы Тараптың аумағында ресми құжаттардың күшін сақтайды.

3 9 - б а п

Азаматтық хал және басқа құжаттар туралы құжаттарды жіберу

Осы Шартты орындау мақсатымен бір Уағдаласушы Тараптың құзыретті мекемелері дипломатиялық каналдар бойынша алынған өтініштер бойынша екінші Уағдаласушы Тарапқа келесі Тараптың азаматтарының жеке құқығы мен мүліктік мүдделеріне қатысты азаматтық хал актілерін тіркеу туралы, білімі туралы, еңбек стажы туралы және басқа құжаттар тегін жіберіледі.

4 0 - б а п

Даулардың шешілуі

Уағдаласушы Тараптар осы Шартты түсіну немесе орындау мәселесі бойынша пайда болған дауларды осы Шарттың 4-бабында көрсетілген тиісті орталық органдар арасындағы кеңестің қатысуымен немесе дипломатиялық каналдар бойынша шешеді.

4 1 - б а п

Ведомстволық байланыстарды анықтау

Уағдаласушы Тараптардың осы Шартта аталған орталық заң мекемелері осы Шарт негізінде және оны дамытуда өз құзыретінің көлемінде ведомстволық келісімдер жасау жолымен өзара тікелей байланыс жасай алады.

V - Т А Р А У

ҚОРЫТЫНДЫ ЕРЕЖЕЛЕР

4 2 - б а п

Шарттың күшіне енуі

Осы Шарт бекітуге жатады және бекіту грамоталарымен алмасқаннан кейін күшіне енеді.

4 3 - б а п

Шартты өзгерту және толықтыру

Уағдаласушы Тараптар осы Шарттың мәтініне өзгертулер мен толықтырулар енгізу мәселесі жөнінде дипломатиялық каналдар бойынша кеңес өткізеді және заң процедураларын өздерінің ұлттық заңына сәйкес орындауға міндетті.

4 4 - б а п

Қолданылудың тоқтатылуы

Бұл Шарт мерзімсіз және оның қолданылуы Уағдаласушы Тараптардың кез келген біреуінің дипломатиялық каналдары бойынша Шарттың қолданылуы тоқтатылғандығы туралы жазбаша хабар жіберілгеннен алты ай өткен соң тоқтатылады.

1996 жылы 17 қыркүйекте Тбилиси қаласында екі данада, әрқайсысы қазақ, грузин және орыс тілдерінде жасалды және барлық мәтіннің күші бірдей.

Осы Шартты түсіну бойынша келіспеушілік болған жағдайларда орыс тіліндегі мәтін негізге алынады.

ҚАЗАҚСТАН РЕСПУБЛИКАСЫ
ҮШІН

ГРУЗИЯ

ҮШІН

Осымен 1996 жылғы 17 қыркүйекте Тбилиси қаласында жасалған Азаматтық және қылмыстық істер бойынша өзара құқықтық көмек туралы Қазақстан Республикасы мен Грузия арасындағы шарттың бұл көшірмесінің дәлдігін куәландырамын.

Қ а з а қ с т а н Р е с п у б л и к а с ы
С ы р т қ ы і с т е р м и н и с т р л і г і н і ң
Х а л ы қ а р а л ы қ к ұ қ ы қ д е п а р т а м е н т і н і ң

Бөлім бастығы

Қазақстан Республикасы мен Грузия арасындағы Азаматтық және қылмыстық істер бойынша өзара құқықтық көмек туралы 1996 жылғы 17 қыркүйектегі шартқа

ХАТТАМА

Бұдан әрі Уағдаласушы Тараптар деп аталатын Қазақстан Республикасы мен Грузия

құқықтық қатынастар саласында ынтымақтастықты жүзеге асыру мақсатында, егемендікті құрметтеу және өзара түсінушілік негізінде, 1996 жылғы 17 қыркүйектегі Қазақстан Республикасы мен Грузия арасындағы Азаматтық және қылмыстық істер бойынша өзара құқықтық көмек туралы шартқа мынадай өзгеріс енгізуге уағдаласты:

1. 28-бап алынып тасталсын.

2. Осы хаттама Шарттың ажырамас бөлігі болып табылады, Уағдаласушы Тараптардың бекітуіне жатады және бекіту грамоталарымен алмасқаннан кейін күшіне енеді.

2005 жылы 31 наурызда Астана қаласында қазақ, грузин және орыс тілдерінде әрқайсысы екі данада жасалды, әрі барлық мәтіндердің күші бірдей.

*ҚАЗАҚСТАН РЕСПУБЛИКАСЫ
ҮШІН*

ГРУЗИЯ

ҮШІН

Осымен 2005 жылғы 31 наурызда Астана қаласында жасалған Қазақстан Республикасы мен Грузия арасындағы Азаматтық және қылмыстық істер бойынша өзара құқықтық көмек туралы 1996 жылғы 17 қыркүйектегі шартқа хаттаманың бұл көшірмесінің дәлдігін куәландырамын.

*Қ а з а қ с т а н Р е с п у б л и к а с ы
С ы р т қ ы і с т е р м и н и с т р л і г і н і ң
Х а л ы қ а р а л ы қ - қ ұ қ ы қ д е п а р т а м е н т і н і ң*

Кеңесшісі